

Reci: "Mene niko od Allahove kazne ne može u zaštitu uzeti; samo u Njega ja mogu utočište naći (Al-Jinn, 22)

01.01.17 – 31.03.17 Broj 6. Godina 2 ISSN 2511-0772



Vjernik

ISLAMSKI CASOPIS



Gospodaru,
pomozi narod
Sirije



 [Vijesti iz Sirije](#)



šta su vam skrivili? Jesu li i ovo teroristi?

Edukativni islamski časopis Vjernik

63477 Maintal

Germany

Registracija: ISSN 2511-0772**Esselamu alejkum ve rahmetullahi ve berekatuhu**

Islamski časopis "Vjernik" je islamsko - edukativnog karaktera na principima Kur'ana i Sunneta. Pored tema koje govore o ispravnom shvatanju ove uzvišene vjere, dio ovog časopisa je posvećen ženi i porodici u islamu, a ni naši najmlađi nisu zaboravljeni.

Cilj i svrha ovog časopisa jeste da'va ili pozivanje ljudi da obožavaju i potpuno se pokoravaju Allahu, Uzvišen je On, i da slijede sunnet Allahovog poslanika Muhammeda, sallallahu 'alejhi ve selleme, te da ustraju na tom putu.

Izdavač: Džemat FIRDEUS**Urednik:** A. Mujakić**Grafički dizajn:** Azmir Amid**Naslovna strana:**

Sead Sulejmanović fotograf

U ovom broju pišu:

hafiz Abdullah Mujic

Prof. Sanin Musa

U ovaj projekat su uključeni članovi džemata Firdeus.

Ukoliko želite naručiti islamski časopis "Vjernik" kontaktirajte nas putem Email: Adismujakic@gmx.de , i vjernik stiže besplatno na vašu adresu.

Redakcija islamskog časopisa "Vjernik"

Esselamu alejkum!**Vjernik**
ISLAMSKI ČASOPIS**U ovom broju čitate**

<i>Allahovo lijepo ime El-Aziz.....</i>	4
<i>Čovjek najljepše ćudi.....</i>	9
<i>Zaštita časti.....</i>	11
<i>Elita i uspješni.....</i>	15
<i>Vjenčani dar-sihr rastave.....</i>	16
<i>Džamija na Prokoškom jezeru.....</i>	17
<i>Genocid je zaboraviti.....</i>	18
<i>Liječite svoje bolesne sadaškom.....</i>	19
<i>O jedenju lijevom rukom.....</i>	20
<i>Dva brata-Za naše najmlađe.....</i>	22

Vjernik
ISLAMSKI ČASOPIS

اَلْعَزِيزُ اَلْعَزِيزُ اَلْعَزِيزُ اَلْعَزِيزُ
 اَلْعَزِيزُ اَلْعَزِيزُ اَلْعَزِيزُ اَلْعَزِيزُ
 اَلْعَزِيزُ اَلْعَزِيزُ اَلْعَزِيزُ
 اَلْعَزِيزُ اَلْعَزِيزُ اَلْعَزِيزُ
 اَلْعَزِيزُ اَلْعَزِيزُ اَلْعَزِيزُ

Allahovo lijepo ime El-Aziz

Allahovo lijepo ime El- Aziz spominje se u Kur'anu na 92 mjesta i uglavnom se navodi uz druga Allahova lijepa imena.

Tako Uzvišeni Allah kaže: "Znaj da je Allah silan i mudar." (El-Bekara, 260)

"One koji u Allahove riječi ne vjeruju čeka teška patnja; a Allah je silan i strog." (Alu Imran, 4)

"I Sunce se kreće do svoje određene granice, to je odredba Silnoga i sveznajućeg." (Jasin, 38)

Značenje imena El-Aziz u arapskom jeziku

Riječ el-'izz ima značenje snage, jačine, nadmoći, uzdignutosti, veličine, neovisnosti od stvorenja, a također ima značenje: rijetkosti, jedinstvenosti, udaljenosti od svake sličnosti i jednakosti.

Značenje Allahovog lijepog imena El-Aziz

Ibn Kesir, rahimehullahu te'ala, rekao je: "El-Aziz je Onaj koji je nad svim uzvišen i uzdignut, sve je potčinjeno Njemu, On nad svima ima vlast i ništa nemože nauditi Njegovom ponosu, Njegovoj veličini i gordosti!" (Tefsirul-Kur'anil-azim, 4/343)

Kurtubi, rahimehillahu te'ala, rekao je: "Značenje Allahovog lijepog imena El-Aziz jeste Onaj koji ne može biti savladan niti Mu iko može imalo nauditi." (El-Džamiu li ahkamil-Kur'an, 2/131)

Šejh Sa'di, rahimehullahu te'ala kaže: " El-Aziz je Onaj kome pripada svaki vid 'izzeta: snaga, nadmoć i sposobnost da Mu niko od stvorenja ništa ne može nauditi; ona su Mu se odazvala i pokorila se Njegovoj veličini." (Tejsirul-Kur'anil-kerimi, 5/300-301)

Dakle, Uzvišeni Allah je Onaj kome pripadaju sav ponos, snaga, vlast i moć, Njemu se sve potčinjava i sve je pred Njim ponizno, On je neovisan od svih stvorenja i sva su stvorenja u potrebi za Njim; i u svemu tome niko Mu nije jednak ni sličan.

Allahovo lijepo ime El-Aziz u našem životu

>Allahovo lijepo ime El-Aziz podstiče nas da Svevišnjem Allahu priznamo Njegovu jednoću, da samo Njega obožavamo. On nema sudruga jer svako suparništvo slabi snagu i umanjuje veličinu.

>Allahovo lijepo ime El-Aziz zahtijeva od nas da Uzvišenom Allahu negiramo svaku manjkavost, mahanu, zlo. Ibn Kajjim, rahimehullahu te'ala, rekao je: "Allahovo lijepo ime El-Aziz ukazuje na Onoga koji posjeduje potpunu veličinu, svu snagu, a od potpunosti Njegove veličine i snage jeste i Njegova subhanehu ve te'ala, uzdignutost od svakog zla i svake manjkavosti!" (šifaul-Alil, 2/511)

>Allahovo lijepo ime El-Aziz podsjeća nas na Allahovu snagu, svemoć, prevlast nad svima, pa i nad našim srcima! Da, Uzvišeni Allah stvorio ih je i nad njima bdi, zna šta je u njima i šta iz njih na javu izlazi! I u ovom domenu moćan je jedino Uzvišeni Allah! Ova činjenica podstiče vjernika da strahuje od svoga Gospodara, da Mu bude pokoran i ponizan, da moli Svevišnjeg Allaha da sačuva njegovo srce, da sačuva njegov din i njegov dunjaluk! Podstiče vjernika da svoje srce ispuni ljubavlju prema Svevišnjem Allahu, razmišljanem o Njegovim blagodatima, Njegovim stvaranjima, Njegovoj moći i snazi; a ne da razmišlja o grijehu i nepokornosti. Neka zna da Uzvišeni Allah upravlja njime i njegovim srcem, nema mu pomoći, nema mu zaštite osim kod Uzvišenog Allaha!

>Sva ova značenja Allahovog lijepog imena El-Aziz podstiču vjernika da samo Uzvišenom Allahu prizna potpunost, da prizna da samo Allahu pripada sva hvala, da je samo Uzvišeni Allah neovisan od svih; a da je on, čovjek, rob, manjkav, slabašan, nemoćan, pun potreba. I sve što se više vjernik bude upoznavao sa Allahovim lijepim imenom El-Aziz, odnosno sa Allahovom snagom, moći, veličinom, potpunosti, to će više uviđati svoju slabost i manjkavost, svoju siromašnost i potrebu za Uzvišenim Allahom, nakon čega će se umanjiti njegovi grijesi i loša djela, a povećati pokornost i dobra djela. (Vidjeti: Ibn Kajjim, Medaridžus-salikin, 1/205)

>Allahovo lijepo ime El-Aziz ukazuje svakom vjerniku da, kada god bude tražio snagu, ponos i veličinu kod nekog drugog mimo Allaha, u nečemu drugom mimo Allahove vjere, neka zna da snagu, ponos i veličinu neće postići; neće naći osim poniženje, slabost i prezrenost. Zato Uzvišeni Allah kaže: **"Ako neko želi veličinu – pa, u Allaha je sva veličina!"** (Fatir, 10) Odgovarajući licemjerima Uzvišeni Allah kaže: **" A snaga je u Allaha i Poslanika Njegovog i u vjernika, ali licemjeri neće da znaju."** (El-Munafikun, 8)

>Zbog toga se vjernik ne priklanja prolaznom dunjaluku, tražeći na njemu slavu i ponos! Koliko li je samo ljudi dalo sve svoje, pa čak i vjeru za dunjaluk, pa ih je dunjaluk obmanuo, uzeo im je sve i na

kraju im je uzeo i život, nisu u njemu živjeli i uživali! Istinu je rekao Omer b. El-Hattab, radijallahu anhu: "Mi smo narod kojeg je Uzvišeni Allah uzvisio islamom i kada god budemo tražili ponos u nečemu drugom mimo islama, Allah će nas poniziti!" Potvrdu Omerovih riječi nalazimo u riječima Omerovog Gospodara, Uzvišenog Allaha: **"Bolnu patnju navijesti licemjerima, koji prijateljuju s nevjernicima, a ne s vjernicima! Zar kod njih traže snagu, a sva snaga pripada samo Allahu?"** (En-Nisa, 138-139)

>Ponos tražimo samo kod Uzvišenog Allaha, a jedan od razloga, puteva i načina postizanja ponosa jeste skromnost i poniznost prema vjernicima. Uzvišeni Allah, opisujući Svoje robove koje On voli i koji Njega vole, kaže: **"O vjernici, ako neko od vas od vjere svoje otpadne – pa, Allah će, sigurno, mjesto njih dovesti ljude koje On voli i koji njega vole, prema vjernicima ponizne, a prema nevjernicima ponosite; oni će se na Allahovom putu boriti i neće se ničijeg prijekora bojiti. To je Allahov dar, koji On daje kome hoće – A Allah je neizmjereno dobar i zna sve."** (El- Maida, 54) Allahov Poslanik, sallallahu alejhi ve sellem, rekao je: "Sadaka nimalo neće umanjiti imetak! Svakog roba koji bude ponizan Allah će sigurno učiniti ponosnim! I niko neće biti skroman radi Allaha, a da ga Allah neće uzvisiti!" (Muslim, 2588)

>Uzvišeni Allah Svoju Knjigu naziva sa El-Aziz – ponosnom, nadmoćnom, silnom i snažnom, pred kojom ništa ne može opstati. Kaže Uzvišeni: **"Oni koji ne vjeruju u Kur'an, pošto im je objavljen... A on je, zaista, knjiga zaštićena, laž joj je strana, s bilo koje strane, ona je objava od Mudroga i hvale dostojnoga."** (Fussilet, 41-42) Katada, rahimehullahu te'ala, rekao je. "Allah je Kur'an učinio ponosnim jer je on Njegov govor, pa ga je stoga i sačuvao od laži i izmišljotinja." (Ibn Džerir, Džamiul-bejan, 24/79) Onaj koji postupa u skladu sa Kur'anom i poziva njemu, takav je ponosan i izdvaja se iznad drugih, a pobjednik onaj koji ga citira i njegove ajete navodi kao dokaz.

>Svaki musliman treba biti ponosan svojom vjerom, osjetiti, živjeti i doživjeti veličinu u svojoj vjeri. Prema svojoj braći vjernicima treba biti skroman i ponizan, a prema nevjernicima ponosan i gord! Uzvišeni Allah, opisujući Svoje robove koje On voli i koji Njega vole, kaže: **"Ponizni prema vjernicima, ponosni prema nevjernicima."** (El-maida, 54)

>Svakog muslimana ponos vjerom treba podstaknuti na širenje vjere, pozivanje drugih u islam, na pozivanje da se čine dobra djela i ostave loša, i na tom putu ne treba bojati ničijeg prigovora. Sve to čini tražeći nagradu samo od uzvišenog Allaha.

>Pomoć u svemu tome traži od Svevišnjeg Allaha kojem pripadaju sva veličina, snaga i ponos. Ibn Abbas, radijallahu anhumu, prenosi da bi Vjerovjesnik, sallallahu alejhi ve sellem, učio u dovi: *"Zaštitu i pomoć tražim s Tvojim ponosom, s Tvojom veličinom pored koga drugog istinskog boga nema, Onoga koji neće umrijeti, a džini i ljudi će pomrijeti."* (Buhari, 7383; Muslim, 2717)

Uzvišenog Allaha molim da nas podrži u izučavanju Njegovih lijepih imena i uzvišenih svojstava, da nam pomogne da Ga što više kroz njih upoznamo i zavolimo i da Mu budemo što pokorniji!

Sva hvala pripada samo Allahu, neka su salavat i selam na Allahovog poslanika Muhammeda.

Izvor: El-asr- Hajrudin Tahir Ahmetović

Recept protiv depresije

Allahov Poslanik a.s.kaže:

Čija briga bude ahiret, Allah će mu dati bogatstvo u njegovom srcu, učinit će ga smirenim i dunjaluk će mu doći ponizno. A čija briga bude dunjaluk, Allah će mu siromaštvo dati pred njegovim očima, učinit će ga rastresenim i od dunjaluka mu neće doći osim ono što mu je propisano!" (Tirmizi, a šejh Albani ocijenio ga je vjerodostojnim u Sahihul-džamii, 6510)



Čovjek najljepše ćudi

Vjerovjesnik, sallallahu alejhi ve sellem, bio je čovjek najboljeg morala i najljepše ćudi. Prema drugima se ophodio na najljepši način, a njegova blagost, milost i vedrina nisu imali premca. Uzvišeni je Allah rekao: "Samo Allahovom milošću, ti si blag prema njima; a da si osoran i grub, razbježali bi se iz tvoje blizine" (Alu-Imran, 159). Svevišnji Allah opisao ga je kratkom, ali izuzetno sadržajnom frazom, rekavši: "Ti si uistinu najljepše ćudi!" (El-Kalem, 4). Vjerovjesnik, sallallahu alejhi ve sellem, kazao je: "Uzvišeni Allah nije me poslao da ljudima otežavam niti da tragam za njihovim greškama i nedostacima, već me poslao da ih podučim i da ima olakšam." Također, u tom kontekstu, Poslanik, sallallahu alejhi ve sellem, rekao je: "Uistinu sam poslan kako bi upotpunio ljudsku plemenitost i čudoređe." (Muslim, 1478, Ahmed, 8952, i Bezzar, 8949)

Kada su Aišu, radijallahu anha, upitali o ahlaku Allahovog Poslanika, sallallahu alejhi ve sellem, ona je rekla: "Ahlak Allahovog Vjerovjesnika, sallallahu alejhi ve sellem, bio je Kur'an" (Muslim, 746). Ovim riječima htjela je kazati da se niko u tajnosti i javnosti nije dosljednije pridržavao kur'anskih normi i pravila od Poslanika, sallallahu alejhi ve sellem, i da niko Kur'an od njega nije više učio i o njemu više razmišljao.

Enes, radijallahu anhu, prenosi mnogo hadisa koji opisuju moral i ponašanje Allahovog, Poslanika, sallallahu alejhi ve sellem. Između ostalog to su sledeći hadisi:

"Allahov Poslanik, sallallahu alejhi ve sellem, bio je najbolji, najdarežljiviji i najhrabriji čovjek." (Buhari, 6033, i Muslim, 2307)

"Deset godina služio sam Vjerovjesnika, sallallahu alejhi ve sellem, i nikada mi nije rekao ni 'uh'" (Buhari, 6038, i Muslim, 2309)

"Vjerovjesnik, sallallahu alejhi ve sellem, nije vrijeđao, nije bio bestidan niti je proklinjao" (Buhari, 6031)

Abdullah b. Amr, radijallahuanhuma, kazuje: "Allahov Poslanik, sallallahu alejhi ve sellem, nije bio nekulturan niti bestidan, ni u govoru ni u ponašanju, već je govorio: 'Najbolji od vas jeste onaj najljepše naravi.'" (Buhari, 6035, i Muslim, 2321)

Džabir, radijallahu anhu, prenosi da je Allahov Poslanik, sallallahu alejhi ve sellem, rekao: "Zaista su mi od vas najdraži i sjedi će najbliže meni na Sudnjem danu oni koji su najljepšeg ponašanja." (Buhari, 3759, i Tirmizi, 2018)

Izvor: Upoznaj Poslanika u nekoliko minuta



Zaštita časti

Za normalno odvijanje i funkcioniranje života na ovome svijetu neophodno je zaštititi pet osnovnih stvari kod čovjeka, a to su: vjera, život, čast, razum i imetak. Šta je čast? Spominjanje po dobru, koje te obraduje, i spominjanje po lošem, koje te rastuži. Čast je tvoj ugled, tvoja čistoća, poštenje, porodica, supruga itd. Čast je na velikom stepenu i zato čovjeka veoma uznemirava ukoliko se napadne njegova čast. Imajući to u vidu, islam je došao da sačuva ljudsku čast i to na više načina, kao naprimjer, zabranom lošeg mišljenja, bluda, potvore, zabranom gibeta, davanjem prava na samoodbranu.

Zaštita časti zabranom lošeg mišljenja o drugima

Mišljenje koje formiramo o drugima često može biti pogrešno i doneseno na osnovu pretpostavke ili nejasne situacije. Svaku situaciju koja može dovesti do toga da drugi dobiju pogrešnu predodžbu o nama, treba razjasniti na samom početku i ne dopustiti da pogrešno mišljenje oskrnavi našu čast i krepost. Ilustrativan primjer za to jeste situacija u kojoj se našao Allahov Poslanik, sallallahu alejhi ve sellem. Naime, jedne noći Poslanik, sallallahu alejhi ve sellem, u društvu sa svojom suprugom, koja se nije mogla prepoznati zbog svog hidžaba i mrkline noći, prošao je pored dvojice ensarija i obratio im se: *"Dođite vas dvojica! Ovo je Safijja bint Hujejj!"* (Buharija) Dakle, iako je bio Allahov poslanik, postupio je ovako kako bi spriječio

moguće nejasnoće i pogrešne pretpostavke o tome ko je bila žena u njegovom društvu.

Zabrana gibeta – ogovaranja

Jedan od načina čuvanja ljudske časti jeste i zabrana gibeta. Gibet je sredstvo koje se jako mnogo koristi u kaljanju ljudske časti. Šta je gibet? Spominjanje osobe u odsutnosti po osobinama koje ta osoba ne voli da se spominju. Gibet je veliki grijeh, koji izaziva srdžbu Uzvišenog Allaha, skrnavi čast i potkopava islamsko bratstvo. Učenjaci smatraju da je gibet veliki grijeh na osnovu riječi Uzvišenog Allaha: **"... i ne ogovarajte jedni druge! Zar bi nekome od vas bilo drago da jede meso umrloga brata svoga – a vama je to odvratno..."** (Prijevod značenja El-Hudžurat, 12) Kada je u pitanju jedenje lešine, propis je jasan – to je haram – zabranjeno i takvo što ubraja se u velike grijehe. Čak i kada je u osnovi meso te životinje, npr. ovce ili krave, halal, ako životinja nije zaklana u skladu sa islamskim propisima ili ukoliko je životinja uginula, jedenje njenog mesa postaje haram, pa šta tek reći o težini jedenja ljudskog mesa koje je u osnovi zabranjeno?! Ljudsko meso nije dozvoljeno jesti ni u kojem slučaju, niti količini! Nije dozvoljeno jesti meso kafira, a pogotovo meso mrtvog brata muslimana, koji se ne može odbraniti i koji nije ništa skrivio. Isto tako, ulema dokazuje da je gibet veliki grijeh na osnovu hadisa: *"Kada sam uzdignut, prošao sam pored naroda koji su bakrenim noktima derali svoja lica i prsa, pa sam upitao: 'Ko su ovi, o Džibrile?', pa je kazao: 'To su oni koji su jeli meso ljudi (ogovarajući ih) i kaljali njihovu čast.'"* (Ebu Davud) Ovi dokazi jasno ukazuju da je gibet veliki grijeh.

Dakle, pod gibetom se podrazumijeva spominjanje brata muslimana po onome čime on nije zadovoljan da se spominje, a to se može realizirati na više načina: verbalno, išaretom, pismom, i svaki od ovih načina strogo je zabranjen. Dokaz za zabranu nalazimo u hadisu, u primjeru Safije, radijallahu anha, kad je za nju rečeno Poslaniku, sallallahu alejhi ve sellem: "Šta će ti Safija takva i takva" (neki prenosioci kažu da je rečeno: niska rasta), pa je Poslanik, sallallahu alejhi ve sellem, rekao: *"Izustila si tako krupnu riječ koja bi i more, kada bi se sa njim pomiješala, zagorčila."* (Tirmizi)

Razloga za ogovaranje ima više, a neki od njih su: neprijateljstvo, mržnja, zavist, sklapanja prijateljstva, želja za isticanjem i omalovažavanjem drugih, zatim ismijavanje i zbijanje šala na tuđi račun, lažna sigurnost da je čovjek džennetlija pa da ima vremena i dozvolu da druge analizira i o njima komentariše... Ima i još jedan razlog koji treba spomenuti odvojeno, a to je ogovaranje drugih muslimana koji ili pogriješe ili ne urade određenu stvar, pa oni koji nisu u tome pogriješili ili rade dotičnu stvar, sebi daju za pravo da ih ogovaraju, tako da im je nerijetko na meti i daija koji nije izdao fetvu po njihovom meraku ili po onome što nisu naučili, ili neko drugi ko nije u svemu kao oni.

Gibet je osobina munafika. Kaže Allahov Poslanik, sallallahu alejhi ve sellem: *"O vi koji ste primili islam samo jezicima, a ne srcima, ne ogovorajte muslimane i ne istražujte njihove mahane!"* (Ebu Davud) Ima li neko drugi mimo munafika da vjeruje jezikom, a ne srcem? Na osnovu hadisa jasno se vidi da su osobine munafika istraživanje i ogovaranje drugih muslimana.

Veličina gibeta povećava se ukoliko se ogovara dobri Allahov rob, onaj koji se drži propisa Njegove vjere. Nije dozvoljeno ogovaranje osobe koja čini grijeh, osim u situaciji koju je šerijat dozvolio. Ukoliko postoji osoba koja čini grijeh i sama otkriva svoja loša djela, priča o svome nemoralnom životu i grijesima i voli da ljudi pričaju o tome, tada je dužnost upozoriti na takvu osobu, kako se drugi ne bi povelili za njom. U ovom slučaju to se neće smatrati gibetom nego upozoravanjem na opasnost i sprečavanjem štete koja se na taj način može nanijeti muslimanima. Ukoliko grješnik ne otkriva svoje manjkavosti i grijeh, čuva to između sebe i Uzvišenog Allaha, nije ga dozvoljeno razotkrivati. Isto tako, ne treba ogovarati ni nevjernika. U hadisu koji objašnjava definiciju gibeta kaže se: *"Spominjanje brata..."* (Muslim), što ukazuje da se misli na muslimana, jer muslimani su jedni drugima braća, a ne spominje se nemusliman. Pored toga, ulema je rekla da se ne ogovara ni nemusliman kako se čovjek ne bi navikao na ogovaranje. Dozvoljeno je, uz ispunjene šerijatske uvjete, da se upozori na nemuslimana, objasni njegov hal i sl., ali se neće ogovarati.

Gibet je sredstvo koje ruši čast muslimana i vodi do Allahove srdžbe, kazne na ahiretu, a isto tako i na dunjaluku. Allahov Poslanik, sallallahu alejhi ve sellem, u hadisu koji ukazuje da gibet može biti i uzrok ovosvjetske kazne, kaže: *"... ne ogovarajte muslimane i ne istražujte njihove mahane, jer ko bude istraživao njihove mahane, Allah će istraživati njegove mahane, a čije mahane Allah bude istraživao, osramotit će ga u njegovoj kući."* (Tirmizi)

Puno je lakše natjerati se na prestanak ogovaranja nego trpjeti posljedice. Kada neko ogovori nekog, kod pravnika šafijskog, hanefijskog, i malikijskog mezheba uvjetuje se javno priznanje i traženje halala. Svoje mišljenje dokazuju hadisom: *"Ko bude učinio nepravdu svome bratu u imetku ili časti, zato neka danas zatraži halala."* (Buhari)

Prema drugom mišljenju, ne uvjetuje se javno priznanje povrede časti, potvore i ogovaranja, nego je dovoljno da pokajanje bude između čovjeka i Allaha, da ogovaranu osobu spomene po osobinama koje su suprotne onima kojima ga je potvorio i ogovorio. Dovoljno je da svoje ogovaranje zamijeni pohvalom i spominjanjem lijepih osobina, a da potvore zamijeni spominjanjem njegove čednosti i kreposti te da za njega čini istigfar onoliko

dugo koliko ga je ogovarao. Ovo je stav Ebul-Abbasa i Ibn Tejmijje. Svoj stav obrazlažu time da će priznanje oštećenoj osobi povećati bol, patnju i nemir koji nije osjećao prije nego što je čuo ono po čemu su ga spominjali, jer možda to što čuje neće moći podnijeti, pa će mu naškoditi i duhovno i tjelesno. Kako se kaže: *Uznemirava te ono što si čuo, a ono što nisi čuo, kao da nije ni rečeno.* Također, moguće je da se to kasnije iskoristi protiv pokajnika i bude uzrok većem neprijateljstvu, što je, kako smatraju ovi učenjaci, suprotno ciljevima šerijata koji nalaže zbližavanje srca, samilost, saosjećanje i ljubav.

Naši časni prethodnici bili su primjer u čuvanju od ogovaranja. Neki su govorili: "Nisam nikoga ogovorio otkad sam naučio da je Allah zabranio ogovaranje." Imam Buhari je rekao: "Nisam nikog ogovorio i nadam se susretu sa Allahom a da nisam nijednom muslimanu zakinuo njegovo pravo."

Da li smo se mi ikada zapitali šta je sa našim jezikom i šta priča? Da li kalja čast drugog ili je zauzet spominjanjem Uzvišenog Allaha? Kada dosade ibadeti, onda se ljudi zabave koještarijama. Kada utole glad i zasite se, onda na sofri stave desert, a desert nekima nije ni približno sladak kao ogovaranje. Allahov Poslanik, sallallahu alejhi ve sellem, rekao je: **"Neće biti ispravan iman roba dok mu ne bude ispravno srce, a neće mu biti ispravno srce dok mu ne bude ispravan jezik."** (Ahmed)

Musliman ne može sebi dozvoliti da mu jezik bude poput lišća na povjetarcu, da ga nosi sa koje god strane puhne. Treba uvijek da ima na umu da je veliki broj ljudi u kaburu kažnjen upravo zbog ovog grijeha. Smatrali su ogovaranje nečim malim, a ono je u stvarnosti veliki grijeh. Zato je čuvanje muslimanske čast jako bitno i mi, muslimani, ne možemo biti zadovoljni kaljanjem časti, otkrivanjem ljudskih grešaka, već trebamo biti oni koji popravljaju stanje, čuvaju tuđu čast, pokrivaju tuđe sramote, brane svoju braću.

Hafiz. Abdullah E. Mujić

Elita i uspješni

Sve se već odavno u dunjaluk pretvorilo, volim kazati...velika većina je izgubila glavu za ovim svijetom i zbog njega, samo se za dunjalukom trči, čast pojedincima kojih ima, tu i tamo.

Ovakav odnos prema životu proizveo je izraze tipa ELITA, ili USPJEŠNI...biti ELITA i USPJEŠAN postala je opsesija. Često se spominje i poslijeratna, ili tranzicijska ELITA. Da nisu smiješni, muka bi mi bila od ovih izraza i njihovih protagonista, a koji tvrde da su muslimani. Uistinu, jedan novi, "zanimljivi" pristup islamu.

Njihova lozinka je "kad mi je dunjaluk dobar, neka i islama", ali ako mu dunjaluk zaškripi, ne spominji mu islam, a Muhammed, sallallahu alejhi ve selleme, poslat je, upravo, kako bi izveo ljude iz robovanja dunjaluku u robovanje Gospodaru dunjaluka i ahireta, kako bi ih izveo iz tmina ovoga svijeta na svjetlo dunjaluka i ahireta.

Stoga, poštovani moji, ako već hoćete biti elita, pa elita u islamu su hafizi Kur'ana, i oni koji klanjaju noćni namaz, koji Allahu sedždu i ruku čine, i na kijamu ponizno pred Njim stoje u dubini noći, kada ljudi spavaju. Elita su i oni koji islamu pozivaju i djelima prate svoje riječi. E, to je elita!

A, uspješni...onaj ko se spasi džehennemске vatre, on je uspješan...sve drugo je samo varka i prolazno naslađivanje, i rekao bih, obmanjivanje, a koliko li je, samo, obmanutih i zavaranih.

Prof. Sanin Musa

Šokantan prijedlog doktora jednoj majci

Zabrinuta žena je došla kod ginekologa i pitala ga: "Doktore, imam ozbiljan problem, i očajno mi treba vaša pomoć! Imam bebu koja nije još napunila godinu dana, a ja sam opet trudna! Ne želim da imam djecu tako blizu jedno drugoga!" Doktor je rekao: "Dobro i šta želiš od mene sada? "Želim da izvršite abortus, da okončam ovu trudnoću i računam na vas da ćete mi pomoći!" Doktor se zamislio, i nakon poduzetog ćutanja je rekao ženi: "Ja imam jedno bolje rješenje za tvoj problem. Manje je opasno za tebe..."

Ona se nasmiješila misleći da će doktor izvršiti abortus. On nastavi: "Vidiš, kako bi ti olakšali pa da nemaš dvije male bebe u isto vrijeme o kojima ćeš voditi brigu, hajde da ubijemo ovu bebu koju držiš u rukama! Na ovaj način, čak sebi možeš priuštiti malo odmora dok se ova druga beba rodi. Ako si već naumila da ubiješ jedno dijete, nije ni bitno koje. Ali na ovaj način, neće biti nikakvog rizika za tebe i tvoje zdravlje."

Žena je počela da vrišti: "Ne doktore! To je strašno! Pa to je zločin da ubijem dijete."

'Slažem se sa tobom," rekao je doktor, "ali malo prije mi se činilo da je to bila najbolja solucija za tebe." Doktor se osmjehnuo jer je shvatio da je ona shvatila poentu. On je uspio da uvjeri ovu majku da nema razlike između ubistva već rođene bebe i one koja je još uvijek u trbuhu. Zločin bi bio isti.

U Švedskoj se, u poslednjih nekoliko godina prosječno dnevno izvrši oko 100 abortusa (36-37 hiljada godišnje). Subhanallah, za 10 godina pobije jedan oveci grad, veličine oko 300 hiljada stanovnika, u ovom slučaju 300 hiljada nedužnih beba, a ni u drugim evropskim državama nije puno bolje. Na sve strane žele da ocrne islam i da njegove propise omalovaže, a jadnici ne vide da moralno i fizički tonu u propast.

Vjenčani dar – sihr rastave

Dragi brate i sestro, ovo je istinita priča jednog bračnog para kojem sam učio rukju.

Došli su iz daleka, mladi a nesrećni; lijepo i otmjeno obučeni, skup automobil. Vjernici elhamdulillah. Nakon što su obnovili abdest, sjeo sam pred njih pa su mi ispričali o svom životu. Prije, haman, deceniju su se zavoljeli pa se šerijatski a potom i građanski vjenčali. Svadba je bila prelijepa: zvanice, atmosfera, pokloni – sve mahsuzije! Dugo se u okolini pričalo i hvalilo njihovo vjenčanje a i hasumi su pucali od muke.

Godine su prolazile ali mladi par nije nalazio mira niti istinsku sreću; željeli su djecu ali su svi, pa i skupi medicinski pokušaji, ostajali uzaludni. Okahreni, došli su na rukju, od koje ih je šejtan godinama odvrćao, da, eto i "to" probaju. Stakli si jedno kraj drugoga, okrenuvši se prema Kibli, pustili ruke niza se i zažmirili.

Nakon par minuta su obje pali kao pokošeni. Nedugo iza toga iz njega je progovorio džin, pod pritiskom učenja Kur'ana i pod hodžinim teškim laktom.

Ušao je u njega kao izvršioc sihra kojeg je neko od zvanica stavio u hranu mladencima na dan svadbe. Zadatak mu je da unosi nemir i tugu u njihova prsa i srca, da ih odvrća od ibadeta te da ometa intimni odnos i ometa da dođe do ploda. Ako Allah swt dozvoli. Sihr je pogodio njegova prsa i srce te njegov spolni organ. Tu je džin smjestio sihr. Isto tako je napadao nevjestu, njenu glavu i maternicu. Uništio bi njegovu tekućinu tako što bi se nevjerovatnom brzinom kretao kroz nju dok je ne razrijedi i učini neplodonosnom. Subhanallah. Podsjetio sam ga na kaznu koja ga čeka ako se ne pokaje i pritisnio mu grudi dok nije zapomagao da će izaći na prst. Pustio sam krv na prst koji mi je pokazao i čovjek se umirio. Probudio sam ih nakon ezana i pozvao da sjednu, da protabiramo dešavanja.

POUKA: Dragi brate i sestro! Obavljaj namaz, budi pod abdestom. Čuvaj sebe i svoj imetak od zla pogleda i zavidna oka! Od bolesna srca! Druži se sa onima koji će te podsjetiti na dan susreta sa tvojim Gospodarom a ne sa onima koji će te prevariti i iskoristiti na ovom i rastužiti na onom svijetu! I na kraju, učini dovu ovom bračnom paru i svima koji su u istom iskušenju, da Allah swt ukabuli njihove dove i suze te da upropasti i okahri sihirbaze na dan Istine! Amin

Fuad Abdullah Seferagić



Džamija na Prokoškom jezeru najvisočija u Evropi

U današnje vrijeme kako domaćim tako i stranim turistima i posjetiocima koji dolaze u Fojnicu, najinteresantnija džamija je ona na Prokoškom jezeru, koje se nalazi na 22 kilometra udaljenosti od samog grada. Prokoško jezero krasi mala džamija, te je ovo jedina džamija u Evropi koja se nalazi na 1636 metara nadmorske visine.

Napravljena je 2005. Godine Vakifi ove džamije su rahmetli hadži Salih Čabaravdić i njegova supruga hadži Ferida hanuma Čabaravdić . Vremenom je postala prava atrakcija za turiste koji dolaze iz arapskih zemalja. Džamija je malih dimenzija. Energija koja se koristi za osvjetljenje džamije, njene munare i kandilja se dobija od solarnih panela postavljenih na krovu džamije, iako mala muslimanima Fojnice ogromna u srcima

Oko pomenutog jezera nalazi se na desetine vikendica. Neke nastanjuju lokalno stanovništvo, dok se druge

koriste za iznajmljivanje turistima koji posjećuju ovaj lokalitet. Nekada su ove vikendice (kolibe) služile isključivo samo za prenočiše pastira koji su dovođili stoku na ispašu tokom ljeta.

Prijatan razgovor sa domaćinima otkrio nam je čime se bave, od čega žive a tu je svakako proizvodnja mliječnih proizvoda, što karakteriše samo područje te proizvodnju tradicionalne odjeće i obuće. Tokom zime, stanovnici ovog mjesta ne borave na jezeru, zbog količine snijega, te većina njih ovo godišnje doba provede u Fojnici.

Vrijeme nas je poslužilo, tokom dana bilo je ugodnih dvadesetak stepeni, dok su jutro i noći na ovoj planini izrazito hladna uz dosta magle. Lijepo utiske nosimo sa ovog jezera, a topla preporuka svakome je da treba posjetiti ovaj Spomenik prirode, doživjeti Prokoško jezero. (Slika naslovna strana)

Ekipa islamskog časopisa vjernik

Najmlađa žrtva imala 9 godina, silovani i muškarci

Jedan od najvećih ratnih zločina tokom agresije na Bosnu i Hercegovinu svakako je zločin silovanja. Iako je od agresije na našu zemlju prošlo više od 20 godina, silovanje žena je i dalje tabu tema u društvu. Još veći tabu je silovanje muškaraca. Žrtve silovanja svakodnevno žive sa svojim bolovima i strahovima zakopanim duboko u sebi. Torture kroz koje su prošle teško da iko drugi može razumjeti osim njih samih. Vječna je to trauma nikome osim njih poznata.

Svaki nekažnjen zločin se širi

Žrtve silovanja koje su smogle hrabrosti da svjedoče pred Haškim tribunalom promijenile su međunarodno pravo-po prvi put je silovanje i seksualno zlostavljanje okarakterizirano u međunarodnom pravu kao zločin protiv čovječnosti. Na osnovu izvještaja UN u našoj zemlji procjenjuje se da je između 20 i 50 hiljada žena tokom agresije bilo žrtvom silovanja i seksualnog nasilja koje je okarakterizirano kao zločin protiv čovječnosti.

Na osnovu procesuiranih predmeta i istraživanja Udruženja žrtava i svjedoka genocida doznajemo da je najmlađa žrtva silovanja imala 9 godina, dok je najstarija žrtva imala 68 godina. Počinioci silovanja nisu ciljali žene i muškarce odredenih godina, kada su silovali, već su sistematski koristili silovanje kao ratno oružje u sprovođenju genocida u Bosni i Hercegovini.

Hatidža Mehmedović, predsjednica Udruženja „Majke Srebrenice“, u razgovoru za Preporod ističe da se nikada neć znati broj silovanih žena, s obzirom da mnoge žene koje su silovane nisu nikome reklo jer ih je bilo stid reći. - Nisu progovorile o silovanju jer ih je stid porodice, djece, komšija i prijatelja. Mnoge žene su i psihički oboljele, ali i dalje šute. Silovanje je zločin nad zločinom. Genocid nad genocidom. To je psihičko ubijanje. Oni koji su u ratu silovali negrađeni su slobodom, radnim mjestima. Smatram da je tome kumovala međunarodna zajednica, - kaže Mehmedović.

Ona dodaje da su silovane žene vjerovale u pravdu, očekivale su da će oni koji su silovali biti kažnjeni i da su nakon svega ponižene. - Ispade da su samo žrtve krive. Na razne načine su žrtve kažnjene. Svaki zločin koji se ne kazni se širi. Vidimo da pravde nema. Imamo situacije da danas u Srebrenici na ulicama silovane žene mogu vidjeti svoje silovatelje koji slobodno i nekažnjeno šetaju. Oni koji su činili silovanje i druge zločine i dalje ne odustaju od svojih ciljeva iz 90-ih godina, - ističe Hatidža Mehmedović.

Silovanje muškaraca

Osim žena tokom agresije silovani su i muškarci. Silovanje muškaraca bez ikakve dvojbe još je veći tabu i o tom slučaju se još manje zna u odnosu na silovanje žena. -Do bilo kakvog konkretnog broja o silovanju muškaraca je veoma teško doći, jer muškarci koji su doživjeli ove zločine ne govore o tome. Ono što jeste poznato je da se u Zvorniku desio najveći zločin seksualnog nasilja nad muškarcima, zato što je zahvaljujući spremnosti upravo tih žrtava jedan broj počinioca procesuiran.

Izvor: Preporod

Liječite svoje bolesne sadačom

Ovaj slučaj spominje jedan od čuvenih alima Sirije, šejh Abdulahi Bedle, imam velike džamije u Halebu. Šejh Abdulahi spominjući vrijednost sadake, spomenuo je događaj koji se desio lično njemu. "Nakon što sam se oženio, Allah me je počastio sinom. Međutim, naša roditeljska radost nije dugo trajala, Allah je dao da nam sin oboli od teške bolesti koja je napadala njegovo slabašno tijelo. Nakon nekog vremena, doktori su bili digli ruke od njega, u bolnici su ga držali samo radi održavanja u životu. Njegovo stanje se pogoršavalo iz dana u dan, a naša tuga je bila sve veća i veća, nadam se da shvatate šta znači da nekome prvo dijete umire pred očima roditelja.

Jedan od bliskih mi prijatelja, uputio nas je jednom specijalisti. Kada smo mu donijeli dijete, bilo je u jako lošem stanju, veoma jaka temperatura koju nismo mogli da spustimo, nagrizala je njegovo tijelo i moždane ćelije. Kad ga je doktor pregledao, rekao nam je, ako djetetu se do sutra ne spusti temperatura, da bi moglo umrijeti. Subhanallah, u kojimje samo mukama bio. Vratili smo se kući, tako nas je doktor savjetovao, da se malo odmorimo i smirimo, ali kako da se smirimo?

Legli smo spavati, žena mi je popila neke tablete za spavanje, ustao sam u neko doba noći i klanjao noćni namaz. Sjedio sam pored prozora i gledao u mjesec, moje misli bile su sa mojim sinom. Uzeo sam kaput i izašao na ulicu, lutao sam pustom ulicom, nisam znao šta da radim. Dok sam hodao, na um mi je pao hadis Poslanika, salallahu, alejhi ve sellem, u kojem je rekao: "Liječite svoje bolesne sadačom.", međutim kome ću dati sadaku ovako kasno, da nekom pokucam na vrata, ljudi će pomisliti da sam lud.

Kada sam haman bio odustao od te ideje, kad ulicom primjetih da ide mačka, po

njenom izgledu sam video da je gladna. Čim sam je ugledao, sjetio sam se hadisa Poslanika, salallahu alejhi ve sellem, kada su ga ashabi, r.a. upitali: "Allahov Poslaniče, zar će mo i zbog životinja biti nagrađeni?", pa je Poslanik, salallahu alejhi ve sellem., odgovorio: "Da, i zbog životinja bićete nagrađeni." (Buhari i Muslim).

Ušao sam u kuću, iznio komadić mesa te je nahranio. Vratio sam se kući, dok sam zatvarao vrata, ugledao sam svoju ženu kako sjedi i čeka me. Rekla je da sjednem pored nje a onda mi je kazala: "Kad si izašao, malo sam zaspala i vidjela sam čudan san, sanjala sam kako šetam sa našim sinom kad se iznenada pojavila ogromna crna ptica na nebu. Počela je kružiti iznad nas a onda je prešla u napad kako bi odnijela našeg sina. Naše dijete sam privila zu sebe i branila ga svom snagom, bila sam preplašena, nisam znala šta mi je činiti. Dok sam se borila, iznenada se pojavi mačka koja je napadala pticu i zadavala joj jake udarce, kad bi god ptica naletila, mačka bi je dočekala, sve dok se ptica ranjena nije povukla. Nakon toga sam se probudila."

Samo sam se blago nasmijao i rekao joj: "Hajr si ako bog da vidila." čim je svanulo, požurili smo do bolnice, kad smo tamo stigli, doktor nas je dočekaio nasmijan, obavijestio nas je da je pred samu zoru temperatura se spustila na normalnu, da je dječak otvorio oči i došao sebi. Allahu ekber, tako mi Allaha, nakon dva dana, naš sin se igrao normalno sa ostalom djecom, kao da nikad i nije bio bolestan. Ovo dok vam pričam, moj sin ima 17 godina i hafiz je Kur'ana. Hvala Allahu, izučava šerijatsko pravo i već je aktivan kao vaiz u džamiji Ridvan u kojoj sam ja imam."

Izvor: N-um.com- Saudin Cokolja

O jedenju lijevom rukom

Islam je savršena vjera koja definira i pojašnjava primarna pitanja koja su čovjeku potrebna u svakodnevnom životu, ali i ona sekundarna čije ga nepoznavanje može odvesti na put grijeha. Jedno od tih pitanja jeste pitanje konzumiranja hrane, odnosno propis o jedenju i pijenju lijevom rukom.

Primjetno je da veliki broj ljudi u našem društvu koristi lijevu ruku prilikom jedenja i pijenja, stoga smatram za shodno da u narednim redovima pojasnim i ukažem na važnost ovog propisa.

U vezi sa propisom o jedenju i pijenju lijevom rukom navode se mnogobrojni hadisi, koji se mogu podijeliti u tri kategorije:

1. Hadisi u kojima Allahov Poslanik, sallallahu alejhi ve sellem, naređuje da se jede desnom rukom.

Ebu Selema, radijallahu anhu, kazuje: “Kao dječak bio sam pod skrbništvom Allahovog Poslanika, sallallahu alejhi ve sellem, pa pošto sam, dok bih jeo, ruku pružao po cijeloj posudi, Allahov Poslanik, sallallahu alejhi ve sellem, jednom mi je rekao: ‘Dječaće, spomeni ime Uzvišenog Allaha – bismillah, jedi desnom rukom i jedi ispred sebe.’ Na takav sam način poslije jeo.” (Buhari i Muslim)

2. Hadisi u kojima je Allahov Poslanik, sallallahu alejhi ve sellem, zabranio da se jede lijevom rukom.

Ibn Omer, radijallahu anhu, prenosi da je Allahov Poslanik, sallallahu alejhi ve sellem, kazao: “Neka niko od vas nikako ne jede i ne pije lijevom rukom, jer doista šejtan jede i pije lijevom rukom.” (Muslim)

3. Hadisi u kojima je Allahov Poslanik, sallallahu alejhi ve sellem, uputio dovu protiv onoga koji je iz oholosti odbio da jede desnom rukom.

Selema b. Ekva, radijallahu anhu, prenosi da je neki čovjek jeo kod Allahovog Poslanika, sallallahu alejhi ve sellem, lijevom rukom. Poslanik, sallallahu alejhi ve sellem, reče mu: “Jedi desnom rukom!” Čovjek odgovori: “Ne mogu” – a samo ga je oholost spriječila da to učini. Poslanik, sallallahu alejhi ve sellem, reče mu: “I ne mogao!”. Nakon toga, ovaj čovjek više nije mogao ruku podići do usta. (Muslim)

Uvažena braćo i sestre, na osnovu navedenih hadisa zaključujemo da se onaj ko jede ili pije lijevom rukom jasno suprotstavlja sunnetu Allahovog Poslanika, sallallahu alejhi ve sellem, i na taj način oponaša prokletog šejtana, a da ne govorimo da je mnogo onih koji

to čine jer su iz zapadnjačkog bontona preuzeli način objedovanja.

Svaki hajr i blagoslov, pa makar se radilo i o "sitnim" postupcima, nalazi se u slijedenju sunneta Allahovog Poslanika, sallallahu alejhi ve sellem, a svaka nesreća i nazadnost nalazi se u suprotstavljanju sunnetu Allahovog Poslanika, sallallahu alejhi ve sellem.

Jedan od osnovnih razloga uspjeha i superiornosti prvih generacija muslimana nalazio se u njihovom dosljednom prakticiranju sunneta Allahovog Poslanika, sallallahu alejhi ve sellem, bez obzira o čemu se radilo.

Muavija b. Kurra prenosi od svoga oca da je kazao: "Došao sam kod Allahovog Poslanika i dao mu prisegu, a dugme na vrhu njegove košulje bilo je otkopčano." Urva kazuje: "Nikada nisam vidio ni Muaviju ni njegovog sina, bez obzira da li bilo ljeto ili zima, a da gornja dugmad na njihovim košuljama nije bila otkopčana." (Ibn

Madža, a vjerodostojnim ga je ocijenio šejh Albani)

Abdullah b. Mugaffel, radijallahu anhu, rekao je: "Allahov Poslanik, sallallahu alejhi ve sellem, zabranio je bacanje kamenčića, rekavši: 'Oni ne mogu ubiti ulov i raniti neprijatelja, već samo mogu izbiti oko i slomiti zub.'"

U drugoj verziji navodi se da je jedan rođak Abdullaha b. Mugaffela, radijallahu anhu, bacaio kamenčiće, pa mu je to ovaj zabranio rekavši: "Allahov Poslanik, sallallahu alejhi ve sellem, zabranio je bacanje kamenčića i rekao: 'Oni ne mogu usmrtili lovinu.'" Zatim je njegov rođak ponovo počeo bacati, a Abdullah b. Mugaffel reče mu: "Ja ti govorim da je Allahov Poslanik, sallallahu alejhi ve sellem, to zabranio, a ti ih ponovo bacaš!? Od sada s tobom više nikada neću progovoriti!" (Buhari i Muslim)

mr. Elvedin Pezić

Za naše najmlađe


Dva brata

Poslanik Adem, a.s., i njegova žena Hava r.a., imali su dva sina. Stariji se zvao Habil, a mlađi Kabil. Habil se bavio stočarstvom. Kabil je bio zemljoradnik. U davna vremena, ljudi su prinosili žrtve Allahu, dž.š. Stavljali bi najvredniju stvar koju su imali na posebnu mjesto. Ako je Bog bio zadovoljan njima, poslao bi vatru sa neba koja bi spalila žrtvovanu stvar. Habil i Kabil odlučili su nešto žrtvovati. Habil je u ime Allaha dž.š. je izabro ovcu. A Kabil je donio svoje žitarice. Položili su ih na vrh planine. Iznenada je sijevnula munja i udarila u ovcu koju je ostavio Habil. Kabilova žrtva ostala je netaknuta. Gospodar je prihvatio Habilovu žrtvu, jer je bio zadovoljna s njim, a Kabilovu nije. Kabil se veoma naljutio. Počeo se svađati sa Habilom. Vikao je: Ti si kriv Ubit ću te. Habil je mnogo volio Allaha, dž.š. Uvijek je u svom srcu osjećao strahopoštovnje prema Allahu, dž.š.. Rekao

je Kabilu Ti se ne bojiš našeg Gospodara. Kako će ti On prihvatiti žrtvu? Boj se Allaha i On će biti zadovoljan s tobom. Kabilovo lice je potamnijelo od srdžbe, a srce mu postalo grubo. Ne, vrisnuo je. Ubit ću te! Habil nije odgovorio na prijetnju svog starijeg brata. Samo je smireno rekao: Ako digneš ruke na mene, neću ti uzvratiti, jer se bojim Allaha, dž.š., Gospodara svjetova. Kabil je bio ljubomoran na brata. Nije ga poslušao. Napao ga je i ubio. Tada se Kabil posramio. Počeo je plakati i zamolio je Allaha, dž.š. da mu oprost. Dragi Bog je poslao crnoga gravana. On je zagrebao tlo i pokazao je Kabilu kako će pokopati svog brata. Allah, dž.š., zadovoljan je onima koji ga se boje. Ne voli nikoga ko se svađa i misli zlo drugima. Ova priča nas uči da se dvojica vjernika nikada ne bi trebali sukobljavati. Ako je jedan od njih uporan u nastojanja da se bori, drugi mu - poput blagog i pokornog Habila - nikad ne treba uzvratiti.

Izvor: Najljepše priče iz Kur'ana


Priredila : Lenny – Alina Mujakić



Crtež: Lenny-Alina Mujakić



Reklama – investicija ili trošak?



✦ Mjesto za vašu reklamu ✦

SIRAT Finance Office

Elvira Ramic
Steuerfachangestellte*

e.ramic@sirat-finance.de
M: +49 (0)176-600 13 297

*Buchen lfd. Geschäftsvorfälle, lfd. Gehaltsabrechnungen

SIRAT Finance Office

Sabira Dudevic
Finanzbuchhalterin*

s.dudevic@sirat-finance.de
M: +49 (0)177-600 22 34

*Buchen lfd. Geschäftsvorfälle, lfd. Gehaltsabrechnungen

SIRAT Finance Office

Dulka Ademovic
Steuerfachwirtin*

d.ademovic@sirat-finance.de
M: +49 (0)172-950 35 38

*Buchen lfd. Geschäftsvorfälle, lfd. Gehaltsabrechnungen

SIRAT Finance Office

Muhamed Dudevic
Manager

m.dudevic@sirat-finance.de
M: +49 (0)162-925 84 27

*Buchen lfd. Geschäftsvorfälle, lfd. Gehaltsabrechnungen

Finanzbuchhaltung*
Lohn- und Gehaltsbuchhaltung*
Büroorganisation

www.sirat-finance.de

BOSNISCHER HONIG
Gesund mit Honig

KVALITETAN PROIZVOD
Kupujemo domaće
PROIZVEDENO U BOSNI I HERCEGOVINI

info: 0178/69 89 166

BOSNA MED
Lijek iz košnice

KVALITETAN PROIZVOD
Kupujemo domaće
PROIZVEDENO U BOSNI I HERCEGOVINI

info: 0178/69 89 166




Der Duft für deine Nase

Tel: 015755851696

Postanite vakif u izgradnji Allahove kuće

„Allahove džamije održavaju oni koji u Allaha i u onaj svijet vjeruju i koji namaz obavljaju i zekat daju i koji se nikoga osim Allaha ne boje; oni su, nadati se je, na pravom putu.” (Et-Tevbe, 18)


Islamska zajednica u Srbiji
Muftijstvo sandžačko
Odbor Medžlisa IZ-e Tutin

Datum: 10.08.2016.
Tutin **Broj:** 29/16

Na zahtjev braće Šerifović iz Tutina, Odbor Medžlisa IZ-e Tutin izdaje



O V L A Š Ć E N J E



kojim se ovlašćuju **Šerifović Fahrudin** sa adresom stanovanja **Bergerstrase 269, Frankfurt**, **Šerifović Edin** sa adresom stanovanja **Pfunstadterstrase 2, Griesheim Darmstadt** i **Šerifović Elvir** sa adresom stanovanja **Egelsbach auserhalb, Griesheim Darmstadt**, da mogu širom dijaspore prikupljati novčane i druge dobrovoljne priloge za izgradnju **nove džamije u naselju R. Polje - Tutin**.

Uzimajući u obzir da po dijaspori živi veliki broj vjernika iz Tutina i Sandžaka uopšte, koji svojim doprinosima mogu pomoći da se ova džamija što prije izgradi Odbor Medžlisa IZ-e Tutin izdaje ovo ovlašćenje.

Ujedno upućujemo apel svima koji su u mogućnosti da se uključe u ovu hajrli akciju, te činimo dovu Uzvišenom Gospodaru da ih nagradi i uveća im imetak.

Ovo ovlašćenje služi za pomenutu svrhu i u druge svrhe se ne smije koristiti.

 **predsjednik Odbora Medžlisa IZ-e Tutin**
Enver, ef. Eminović




Sve informacije možete dobiti na broj tel. +49 173 8303 869 Edin Šerifović